



UNIVERSITI
TEKNOLOGI
MARA

Cawangan Perlis
Kampus Arau

Buletin InTouch

@ UiTM Cawangan Perlis

Edisi:
2022

Mendukung Misi GRU2025

Fokus Utama Amanat Rektor
UiTM Cawangan Perlis Bagi
Tahun 2022

Menarik di dalam



UiTM Cawangan Perlis Jalin Kerjasama
Bersama Korea Sports Promotion Foundation
(KSPO) Korea Selatan



Program Hari Hutan Sedunia (21 Mac),
Hari Air Sedunia (22 Mac) dan Ulang Tahun
Penubuhan Trash Hero Perlis Yang Ke-3



UiTM Cawangan Perlis Jalin Kongsi
Kepakaran Kepada Komuniti
Orang Asli Melalui ESKOM
2022



Majlis Menandatangani Memorandum
Perjanjian (MoA) Antara Universiti
Teknologi MARA (UiTM) Dengan
Universitas Gajah Mada (UGM)
Indonesia

UNIVERSITI TEKNOLOGI MARA (UiTM) METERAI MEMORENDUM PERSEFAHAMAN (MoU) DAN PERJANJIAN (MoA) BAGI MEMPERKASAKAN BIDANG PENYELIDIKAN

Oleh:

Eliy Nazira Mat Nazir

Prof. Madya Ts. Dr. Shukor Sanim Mohd Fauzi

ARAU, 21 FEBRUARI 2022 - Universiti Teknologi MARA (UiTM) mengukuhkan kerjasama strategik dalam bidang penyelidikan menerusi pemeteraian Memorandum Persefahaman (MoU) dan Perjanjian (MoA) dengan lima institusi dan industri iaitu Universitas Islam Negeri Sunan Ampel, Indonesia, Universitas Ciputra Surabaya, Indonesia, Asosiasi Pendidikan Tinggi Informatika dan Komputer Indonesia (APTIKOM) Riau, Indonesia, Pencak Tari Enterprise, Malaysia dan Kenaf Venture Global Sdn. Bhd., Malaysia.

Objektif utama pemeteraian MoU dan MoA ini adalah sebagai usaha menjadikan UiTM sebagai sebuah universiti yang berdaya saing di Malaysia dan Asia Tenggara. Kerjasama dan kolaborasi strategik yang dimeterai ini dapat menyediakan peluang kepada UiTM untuk mempergiatkan bidang penyelidikan, latihan, kakitangan dan mobiliti pelajar serta pembangunan kepakaran staf dan pelajar akademik dan pentadbiran, selain dilihat akan mengukuhkan lagi hubungan dua hala antara kedua-dua negara.

UiTM berharap perkongsian ini dapat mendedahkan para penyelidik, ahli akademik dan pelajar kepada pengetahuan dan kemahiran baharu yang dapat memberi manfaat kepada pihak yang terlibat serta memperluas skop kerjasama antara UiTM dan rakan strategik dari semasa ke semasa.

Turut hadir Tuan Yang Terutama Profesor Masdar Hilmy, Rektor Universitas Islam Negeri Sunan Ampel, Indonesia; Tuan Yang Terutama Ir. Yohanes Somawiharja, Rektor Universitas Ciputra Surabaya, Indonesia; Dr Muhardi, Pengerusi Persatuan Pendidikan Tinggi Informatika dan Komputer Indonesia (APTIKOM) Riau, Indonesia; En Mohd Sukor Abdullah, Ketua Pegawai Eksekutif Pencak Tari Enterprise, Malaysia; Encik Jazman Shahar Abdollah, Ketua Pegawai Eksekutif Kenaf Venture Global Sdn. Bhd., Malaysia, Pengurusan kanan UiTM Perlis, Universiti dan Institusi Luar Negara rakan kongsi Pengajian Tinggi dan Industri.

